



CONVENIO DE COLABORACIÓN ENTRE O INSTITUTO GALEGO DE PROMOCION ECONOMICA, A ASOCIACIÓN DE CENTROS TECNOLÓXICOS DE GALICIA E OS CENTROS INTEGRANTES DESTA ASOCIACIÓN PARA A ELABORACIÓN DO TRABALLO DE CAMPO E INFORME DE OPORTUNIDADES INDUSTRIA 4.0 PARA AS EMPRESAS GALEGAS 2020

MEMORIA XUSTIFICATIVA

O Director da Área de Competitividade do Instituto Galego de Promoción Económica (IGAPE)

DECLARA:

Que este Instituto ten previsto formalizar coa Asociación de Centros Tecnolóxicos de Galicia e os seus centros integrantes o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2017.

Que o instrumento convencional ten por obxecto:

A detección e análise de oportunidades sectoriais da industria 4.0, que se sustancia en:

- ☐ *Actualización dos estudos de oportunidades, enfoque da estratexia tecnolóxica e proposta de recomendacións e actuacións específicas.*
- ☐ *Os resultados deberán obterse desagregados sectorialmente.*
- ☐ *Dentro de cada sector, estableceranse as diferentes posibilidades e opcións de modernización e tecnificación, en función das características das empresas e os niveis de desenvolvemento tecnolóxico-industrial de partida.*

A tal fin, deberase traballar de xeito conxunto con empresas e entidades asociativas de cada un dos sectores obxectivo.

Estas actividades permitirán coñecer as follas de ruta recomendadas as empresas en coherencia coas características básicas de cada peme e dentro do sector de actividade que corresponda. Asemade, esta análise permitirá a ATIGA e aos centros ATIGA incrementar os coñecementos necesarios para a adecuada preparación e xestión de proxectos para a industria galega nos programas estatais ou europeos, co fin de que os seus centros e as empresas galegas melloren o seu posicionamento, participación, liderazgo e posibilidades de obter financiamento nos citados programas.



Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:


A Asociación de Centros Tecnolóxicos de Galicia (ATIGA), ten por obxecto favorecer a cooperación entre os seus asociados, potenciar a relación cos demais axentes do sistema de investigación, desenvolvemento e innovación, impulsar políticas adecuadas para o seu desenvolvemento e prestar servizos de alto valor engadido aos seus membros. Na actualidade son membros da asociación: ANFACO-CECOPECA, AIMEN, CTAG, GRADIANT, ENERGYLAB e ITG. Agrupa así a todos os centros tecnolóxicos galegos con recoñecemento estatal. Os centros tecnolóxicos ATIGA ofrecen soporte científico-tecnolóxico a practicamente todos os sectores estratéxicos da economía galega: mar-industria, alimentación, metal-mecánico, naval, automoción, aeronáutico, transporte, TIC, audiovisual, acuicultura, biotecnoloxía, sanitario, turismo, enerxético, químico e educativo. Un dos obxectivos desta alianza tecnolóxica intersectorial é a participación conxunta en grandes proxectos consorciados así como en plataformas e foros tecnolóxicos, á vez que propiciar maiores oportunidades de actuación co fin de impulsar a competitividade e a excelencia tecnolóxica das empresas galegas.

O IGAPE é a Axencia de Desenvolvemento Rexional de Galicia, e entre os seus principais obxectivos están os de fomentar a creación de novas empresas, promover a mellora da produtividade e competitividade das sociedades xa asentadas na Comunidade Autónoma, atraer investimentos foráneos e facilitar a internacionalización do tecido produtivo. Neste sentido, o papel do IGAPE na mellora da competitividade e produtividade das empresas, ten varios eixos de actuación, entre os que destaca o fomento da modernización dos procesos produtivos e de xestión dos principais sectores de Galicia. Para desenvolver este rol, a Consellería de Economía, Emprego e Industria a través do IGAPE deseñou a Axenda de Competitividade Industrial Galicia Industria 4.0. (en adiante a Axenda) como instrumento de deseño estratéxico que consta de cinco plans de impulso principais nos que se definen as actividades que a Xunta de Galicia desenvolverá nos próximos anos para o apoio á industria.

O IGAPE e ATIGA comparten un interese común en impulsar un novo modelo industrial sustentado na competitividade e o coñecemento e apostando pola transferencia real de resultados de investigación ao tecido empresarial, reforzando así o papel tractor dos seus centros tecnolóxicos asociados como axentes dinámicos e flexibles con fortes capacidades en investigación industrial, desenvolvemento experimental e innovación, con cultura emprendedora e creativa e capacidade de acompañar ás empresas nos procesos de industrialización avanzada e favorecer coa súa labor a capitalización do coñecemento e a xeración de valor. Deste xeito, o obxectivo de elaborar un estudio xeral con informes sectoriais que permitan coñecer as mellores oportunidades das pemes galegas, servirá para abordar un proceso axeitado e acelerado de reindustrialización e modernización industrial, acorde en cada caso co nivel de partida e as oportunidades tecnolóxicas mais coherentes con esa situación para o desenvolvemento de negocio industrial no futuro.



XUNTA DE GALICIA
CONSELLERÍA DE ECONOMÍA,
EMPREGO E INDUSTRIA



Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela